

U G O V O R
O NABAVCI OPREME ZA VATRODOJAVNI SISTEM NA OBJEKTU JU „PETA OSNOVNA ŠKOLA“ SOKOLOVIĆI ILIDŽA

Između ugovornih strana:

1. J.U „Peta osnovna škola“ Sokolovići Ilidža, ulica Umihana Čuvidina br. 58, Sarajevo, ID broj 4200167360002 koga zastupa direktorica Elvira Hrustanović (u daljem tekstu: **Naručilac**) i
2. Agencija za zaštitu ljudi i imovine "GAMA AA" društvo sa ograničenom odgovornošću Sarajevo, ulica Bulevar Meše Selimovića br. 16, ID broj 4201829970007, PDV broj: 201829970007, koju zastupa izvršni direktor Adnan Mirvić (u daljem tekstu: **Izvođač**).

PREDMET UGOVORA

Član 1.

Na osnovu člana 90. Zakona o javnim nabavkama Bosne i Hercegovine ("Službeni glasnik BiH", br 39/14) **Naručilac** zaključuje Ugovor o radovima na ugradnji, montaži i puštanju u rad sistema vatrodajave u objektu J.U. „Peta osnovna škola“ Sokolovići Ilidža na adresi Umihana Čuvidina br. 58, Sarajevo sa **Izvođačem**, kao **ponuđačem**.

Član 2.

Predmet ugovora je ugradnja, montaža i puštanje u rad sistema vatrodajave objekta J.U. „Peta osnovna škola“ Sokolovići Ilidža na adresi Umihana Čuvidina br. 58, Sarajevo, u skladu sa potpisanim i ovjerenim predračunom br. 1744/18 od dana 02.10.2018. godine, koji je sastavni dio ovog Ugovora.

CIJENA I NAČIN PLAĆANJA

Član 3.

(1) Cijena nabavke opreme sistema vatrodajave za potrebe J.U. "Pete osnovne škole" na adresi Umihana Čuvidina br. 58, Sarajevo iznosi **3.215,16 KM sa PDV-om** (slovima: trihiljadedvijestotinepetnaest KM 16/100).

(2) Cijena iz člana 3. stava (1) ovog Ugovora je utvrđena na osnovu prihvaćenog predračuna te se kao takva ne može mijenjati.

Član 4.

Strane su saglasne da će se fakturisanje usluga vršiti odmah nakon isporuke, ugradnje i puštanja u rad opreme za vatrodajavu od strane **Izvršioca** usluga.

Član 5.

Naručilac će uplatiti ugovorenu cijenu po fakturi iz člana 3. **u roku od 15 dana od dana dostave fakture** na transakcijski račun **Izvršioca** broj: 3386902248502116 kod UniCredit bank d.d.

PRAVA I OBAVEZE UGOVORNIH STRANA

Izvršilac se obavezuje:

Član 6.

• Da nabavku opreme koja je predmet ovog Ugovora izvodi u skladu sa važećim zakonskim propisima, normativima i standardima za ovu vrstu posla;

- Da nabavku opreme vrši u skladu sa najvećim profesionalnim standardima;
- Da obezbijedi svu potrebnu dokumentaciju;
- Da odmah, po zahtjevu Naručioca, pristupi otklanjanju uočenih nedostataka na opremi;
- Da nadoknadi svu štetu Naručiocu, nastalu na opremi, nesavjesnim postupanjem.
- Za vrijeme garantnog perioda koji traje (12) dvanaest mjeseci od dana kada je izvršen tehnički prijem opreme i pod uslovima garancije, u slučaju hardverskog kvara, sa dijagnosticiranom zamjenom pokvarene hardverske komponente, Izvršilac je dužan besplatno izvršiti zamjenu odnosno opravku;

Član 7.

Naručilac se obavezuje:

- da će osigurati sve dostupne informacije koje su Izvršiocu neophodne da bi uspješno obavio posao;

ROK IZVRŠENJA UGOVORA

Član 8.

Rok za izvršenje ugovorenih obaveza je **30 kalendarskih dana**, računajući od dana uvođenja Izvršioca u posao.

OSTALE ODREDBE

Član 9.

Sve što nije regulisano ovim Ugovorom, regulisat će se primjenom odredbi Zakona o obligacionim odnosima.


Član 10.

Sve eventualne sporove ugovorne strane pokušat će riješiti sporazumno, a ako to ne bude moguće, priznaju nadležnost suda u Sarajevu.

Član 11.

Ovaj ugovor sačinjen je u 2 (slovima: dva) jednaka primjeraka, od kojih Naručilac zadržava 1 (slovima: jedan), a Izvršilac 1 (slovima: jedan) primjerak Ugovora.

IZVRŠILAC
"GAMA AA" d.o.o. Sarajevo
Izvršni direktor



Mirvić Adnan

M.P.

NARUČILAC
J.U. „Peta osnovna škola“
Direktorica



Elvira Hrustanović

M.P.

Broj: 2298-1/18

Sarajevo, 07.12.2018. god.

Broj: 910-1/2018.

Sarajevo, 7.12.2018.